

ab omni iure regali. videlicet exactionibus. & procuracionibus. expeditionibus. vel alijs collectis quibus alii subjacent. liberas semper *samt vidare till* perseueret, dictam libertatem siggillj nostri munimine roboramus. Insuper. omnibus. per presenciam scripta declaramus. Quod prefatam Domum. & Dominas ibidem deo domino Seruientes. Sub clypej nostri tutelam constituimus specialiter protegendas. quam diu uixerimus domino largiente. Ita quod quicumque ipsas iniuste molestauerit in aliquibus strictam nostre maiestatis sentiet vltionem. Datum Gudhem Anno Domini. M°.CC°.LXX°.VI°. VII°. jdus Augusti.

Sigillet finnes.

618.

1276 d. 21 Sept.

Upsala.

Kon. MAGNUS Is Salubref på gårdarne Skånella och Harg till Numnorna i Skokloster.

D. a. 7: 46r. *)

Omnibus presens scriptum cernentibus Magnus D. G. Rex Svevorum salutem in domino sempiternam. Injuriatur memoria frequenter oblivio, et ex longinquitate Sæpe fit temporis, quod res clara præsentibus, redditur obscura futuris, et sic interdum quæ juste, rite et ordinate sunt facta, in dubium revocantur: Qvare adversus oblivionis dispendium de scripturæ suffragio prudentum cautela providit. Sane constare volumus præsentibus et futuris, quod curiam nostram in Scanald, et prædium in Harg, cum agris, pratis, silvis, piscariis, molendino et cæteris attinentiis eorundem, religiosis dominabus sanctimonialibus in Sco, pro justo pretio vendidimus et tradidimus perpetuo nomine dictæ domus possidenda, et dominium ac proprietatem dictorum Curia et prædii in eadem recepto pretio transtulimus, his firmariis more Svevorum datis ac modo nominatis, dominis Magno Dapifero, Johanne Philippi, Byrgero fratre suo Gregorio, Byrgero Haqvini, Philippo de Romby, Erlendo, Johanne Karlsun, Anundo Haralsun, Ulfone Holmgersun, Nicolao Naglasun ¹⁾, Nicolao Ingimunde sun, Berone dicto Næf, Berone de Rikibastum, Kietilmundo, Røriko Byrgerson, Benedicto archidiacono ²⁾ Upsalensi, Præposito Berone, Jacobo Israelis, Magistro Andrea, Høaro, Rodgero, Salomone, Israele Erlensun et Olavo, Canonicis ejusdem ecclesiæ Upsalensis. Nulli ergo omnino hominum liceat hanc nostram venditionem rite et legaliter factam infringere, vel ei ausu temerario in periculum animæ suæ contrajre. Si quis vero hoc attemptare præsumperit, partem cum Datan et Abiron, qvos terra vivos absorbit, se noverit habiturum. Ut autem hæc nostra

*) Med anm.: Collationerad med Original-permebrefvet. 1) Raglasun, J. 3: 97. 2) Aruidi a. st.

nostrā venditio perpetuæ robur optineat firmitatis, præsentibus litteris sigillum nostrum et Majorum Regni sigilla duximus apponenda. Actum in orientali Arusia Anno domini. M.CC.LXXVI. in die Beati Matthæi Apostoli. Anno Regni nostri secundo.

(L. S.)

(L. S.)

(L. S.)

619.

1277.

Wexiö.

Kon. WALDEMARS bekræftelse på Lybecks borgare förunte handelsprivilegier.

K. v. 108.

Omnibus presentes litteras inspecturis WOLDEMARVS Dei gracia Rex Sweorum in omnium salvatore salutem eternam. Tenore presentium constare volumus universis, quod nos civibus Lubecensibus ad regni nostri limites navigio venientibus & vecturis exemplo tam bone memorie patris nostri Birgeri quondam Ducis, quam adfectione propria, quam ad ipsos exigentibus eorum meritis habemus & habere per Dei gratiam perpetuo volumus provocati, libertates & privilegia per memoratum dominum ducem patrem nostrum eis in vita sua concessa post mortem eius de novo tam super theloneo quam super rebus naufragii, quam diu dicti cives eas per se vel alios extrahere seu salvare poterint & voluerint non tollendis sepedictis civibus concedimus & habenda in posterum presentibus litteris sigilli nostri roboratis munimine confirmamus. Datum Wexio Anno Domini millesimo ducentesimo LXXVII.

620.

1277.

Ärkedjäkn. BENGT'S i Linköping bref på Berga till Upsala Domkyrka såsom pant för låntagna 400 mark.

A. 3. a. 1: 14.

Vniuersis presentes litteras inspecturis. Benedictus byrgeri quondam ducis Sueorum filius archidiaconus ecclesie lincopensis. Salutem in domino. Notum esse uolumus vniuersis. quod nos curiam nostram berghir obligamus & inpignoramus ecclesie vpsalensi pro quatrings Marcis denariorum vsualis monete, sub hac condicione quod nos & illustris dominus noster. M. Rex Sweorum liberam habeamus facultatem, pro. CCCC. Marcis denariorum dictam Curiam redimendi. & Curiam nostram bergyr. in feringaøm propinquam curie supradicte contulimus ecclesie vpsalensi cum omnibus pertinentiis suis perpetuo possidendam in nostrorum remissionem peccatorum.

Sv. Diplom.

65